

სსიპ გრიგოლ წულუკიძის სამთო ინსტიტუტი



გამარტივებული ელექტრონული ტენდერით
ასფალტის დაგების სამუშაოების შესყიდვა

სატენდერო დოკუმენტაცია

(CPV კოდი: 45233222)

დაფინანსების წყარო - საკუთარი შემოსავლები

2015 წელი
ქ. თბილისი

ს ა რ ზ ე ვ ი

1. ინსტრუქცია ტენდერში მონაწილეობის 3
2. ტექნიკური დოკუმენტაცია (თანდართული დანართებით №1;2;3;) 4
3. სახელმწიფო შესყიდვის შესახებ ხელშეკრულების პროექტი 8

1. ინსტრუქცია ტენდერში მონაწილეობის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/ და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/ და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან /და ინფორმაცია ხელმოწერილი ან/და ბეჭედ დასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

2. ტექნიკური დოკუმენტაცია

2.1 შესყიდვის ობიექტის ტექნიკური მახასიათებლები - ტექნიკური დავალება

2.1.1. შესყიდვის ობიექტს წარმოადგენს სამთო ინსტიტუტის ეზოში ასფალტის საფარის დაგების სამუშაოების შესყიდვა (CPV კოდი: 45233222).

2.1.2. შესყიდვის ობიექტის სავარაუდო ღირებულება შეადგენს 17380,00 (ჩვიდმეტი ათას სამას ოთხმოცი) ლარს დღგ-ს ჩათვლით.

ტექნიკური დავალება

	სამუშაოს დასახელება	განზომილება	რაოდენობა
1	ამორტიზებული ასფალტობეტონის საფარის მოხსნა	მ³	28,96
2	მოსამზადებელი ფენის მოწყობა ფრაქციული ღორღით(0-40მმ) სისქით 10სმ	მ²	724
3	მოსამზადებელი ფენის ზედაპირის დამუშავება ბიტუმის ემულსიით	მ²	724
4	ასფალტობეტონის საფარის მოწყობა სისქით 5 სმ	მ²	724
5	საამშენებლო ნაგვის დატვირთვა ხელით ავტოთვითმცლელზე	მ³	28,96
6	საამშენებლო ნაგვის გატანა	ტ	53,13

2.1.3. სამუშაოების სრული ჩამონათვალი და მოცულობები მოცემულია დანართი №1-ში. (დანართი №1 ერთიან ელექტრონულ სისტემაში ატვირთულია ცალკე ფაილად და წარმოადგენს სატენდერო დოკუმენტაციის განუყოფელ ნაწილს). დანართი №1-ში გათვალისწინებული სამუშაოების განხორციელება ტენდერში გამარჯვებულმა კომპანიამ უნდა უზრუნველყოს საკუთარი მასალებითა და ხარჯებით.

2.1.4. შესრულებულ სამუშაოთა მიღება-ჩაბარების აქტის გაფორმებისათვის მიმწოდებელმა უნდა წარმოუდგინოს შემსყიდველს შესრულებული სამუშაოს შესახებ შედგენილი ფორმა №2 და ფარული სამუშაოების აქტი (ასეთის არსებობის შემთხვევაში) დადასტურებული შემსყიდველის წარმომადგენლის მიერ, რომლითაც დადასტურებული იქნება შესრულებულ სამუშაოთა მოცულობა და ღირებულება.

2.1.5. იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა, შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშფაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

2.1.6. პრეტენდენტმა, რომელიც არ არის დღგ-ს გადამხდელი, სატენდერო წინადადება უნდა წარმოადგინოს დღგ-ს გათვალისწინებით, ხოლო სახელმწიფო შესყიდვების შესახებ ხელშეკრულების

გაფორმებისას, აღნიშნული გადასახადი (18%) დააკლდება მის მიერ დაფიქსირებული სატენდერო წინადადების საბოლოო ღირებულებას.

2.2. სამუშაოს მიწოდების, გარანტიის ვადები და პირობები:

2.2.1. სამუშაოები დაიწყება ხელშეკრულების გაფორმების დღიდან და დასრულდება არაუგვიანეს **20 კალენდარული დღის ვადაში** (სამუშაოს შესრულებისათვის არახელსაყრელი დღეები (უამინდობა) გათვალისწინებული იქნება დადგენილი ვადის კორექტირებისათვის);

2.2.2. სამუშაოს შესრულების ადგილია ქ. თბილისი, ე. მინდელის ქ. №7-ში;

2.2.3. შესრულებულ სამუშაოზე უნდა ვრცელდებოდეს საგარანტიო პირობები სატენდერო დოკუმენტაციით გათვალისწინებულ დანართი №2-ში მოყვანილი პირობების შესაბამისად, (დანართი №2 პრეტენდენტის მიერ ატვირთულ უნდა იქნას ერთიან ელექტრონულ სისტემაში);

2.3 ანგარიშსწორების პირობები:

2.3.1. ანგარიშსწორება მოხდება უნაღდო ანგარიშსწორებით ლარში.

2.3.2. ანგარიშსწორება შესაძლებელია ეტაპობრივად, თითოეულ ეტაპზე ფაქტიურად შესრულებულ სამუშაოებზე შესაბამისი მიღება – ჩაბარების აქტის გაფორმების და საქართველოს კანონმდებლობით დადგენილი შესაბამისი საგადასახადო დოკუმენტების წარმოდგენიდან არაუგვიანეს 10 (ათი) კალენდარული დღისა.

2.3.3. წინასწარი გადახდა დასაშვებია მიმწოდებელის მიერ გადასახდელი თანხის შესაბამისი ოდენობის საბანკო გარანტიის წარმოდგენის შემთხვევაში, რომლის მოქმედების ვადა არანაკლებ 30 დღით უნდა აღემატებოდეს ხელშეკრულების მოქმედების ვადას;

2.3.4. საბანკო გარანტიის არსებობის შემთხვევაში არგარიშსწორება მოხდება საბანკო გარანტიის წარმოდგენიდან ათი სამუშაო დღის ვადაში.

2.4. დამატებითი მოთხოვნები

2.4.1. სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე;

2.4.2. სატენდერო წინადადებაში საერთო და ერთეულის ფასი გამოსახულ უნდა იყოს ყველა ხარჯის გათვალისწინებით, როგორცაა: ტრანსპორტირების ხარჯები და საქართველოს კანონმდებლობით დადგენილი გადასახადები, თუ მოსაკრებლები (მათ შორის - დღგ);

2.4.3. სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

2.5 პრეტენდენტის მიერ ერთიან ელექტრონულ სისტემაში სავალდებულოდ ასატვირთი დოკუმენტები:

2.5.1. სატენდერო დოკუმენტაციით გათვალისწინებული დანართი №1 (სატენდერო წინადადების ფასი და ხარჯთაღრიცხვა. აღნიშნულ დანართში პრეტენდენტის მიერ მითითებულ უნდა იქნას შესასრულებელი სამუშაოების საერთო და ერთეულის ღირებულებები ამავე დანართით გათვალისწინებული რაოდენობებისა და პირობების შესაბამისად; პრეტენდენტის მიერ ხარჯთაღრიცხვის წარმოდგენილობა ან/და წამოდგენილი ხარჯთაღრიცხვის სატენდერო დოკუმენტაციის დანართი №1-თან არსებითი შეუსაბამობა გამოიწვევს მის დისკვალიფიკაციას;

2.5.2. სატენდერო დოკუმენტაციით გათვალისწინებული დანართი №2 (საგარანტიო ვადა და პირობები. აღნიშნულ დანართში პრეტენდენტის მიერ მითითებული უნდა იყოს შესასრულებელი სამუშაოების გარანტიების ვადებისა და პირობების შესახებ) ამავე დანართით გათვალისწინებული პირობების შესაბამისად;

2.5.3. სატენდერო დოკუმენტაციით გათვალისწინებული დანართი №3 (რეკვიზიტები. აღნიშნულ დანართში პრეტენდენტის მიერ მითითებული უნდა იქნას ინფორმაცია ორგანიზაციის რეკვიზიტების შესახებ) ამავე დანართით გათვალისწინებული პირობების შესაბამისად;

2.5.4. შემსყიდველის მიერ მოთხოვნილი ყველა დოკუმენტი და/ან ინფორმაცია პრეტენდენტის მიერ ატვირთული უნდა იქნას ერთიან ელექტრონულ სისტემაში, ამასთან შემსყიდველის მოთხოვნის შემთხვევაში, პრეტენდენტმა უნდა წარმოადგინოს იმ მოთხოვნილი დოკუმენტების დედანი ან/და ნოტარიალურად დამოწმებული ასლები, რომელიც იყო ატვირთული ერთიან ელექტრონულ სისტემაში. პრეტენდენტის მიერ წარმოდგენილი (ერთიან ელექტრონულ სისტემაში ატვირთული) ყველა დოკუმენტი და/ან ინფორმაცია ხელმოწერილი ან/და ბეჭედდასმული უნდა იყოს ხელმძღვანელის ან უფლებამოსილი პირის მიერ (უფლებამოსილი პირის შემთხვევაში წარმოდგენილი უნდა იქნას (ატვირთულ უნდა იქნას ერთიან ელექტრონულ სისტემაში) უფლებამოსილების დამადასტურებელი შესაბამისი დოკუმენტები;

2.5.5. დაფინანსების წყარო: **2015 წლის საკუთარი შემოსავლები.**

2.7. დამატებითი ინფორმაცია:

2.7.1 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში: ქ. თბილისი, ე. მინდელის ქ. №7, მე- 2 სართული, ოთახი №215. საკონტაქტო პირები: დირექტორის მოადგილე დავით ცანავა, ტელ: 232 91 13; 591 97 23 57 და ინჟინერ ეკონომისტი თეიმურაზ გოდოლაძე, ტელ: 232 95 87; 599 64 73 04.

დანართი №2

მთლიანი შესრულებული სამუშაოს საგარანტიო ვადა და პირობები

(პრეტენდენტის დასახელება)

შესრულებული სამუშაოს დასახელება	საგარანტიო პერიოდი (ვადა)	გარანტიის პირობები	გარანტიის პერიოდში აღმოჩენილი დეფექტების აღმოფხვრის ოპერატიულობა (ვადა)
სსიპ გრიგოლ წულუკიძის სამთო ინსტიტუტის ეზოში ასფალტის საფარის დაგების სამუშაოები დანართი №1-ში მოცემული სამუშაოების შესაბამისად	საბოლოო მიღება-ჩაბარების აქტის გაფორმებიდან 36 თვის განმავლობაში	საგარანტიო პერიოდში აღმოჩენილი ნებისმიერი ხარვეზის აღმოფხვრა (შეკეთება)	შეტყობინების მიღებიდან აღნიშნულ ფაქტთან დაკავშირებით შედგენილ დეფექტურ აქტში მითითებული გონივრული ვადების შესაბამისად

შენიშვნა: პრეტენდენტის მიერ მოცემული საგარანტიო პერიოდის გაზრდის შემთხვევაში შესაძლებელია მისი შეცვლა.

პრეტენდენტის ხელმოწერა

ბ.ა.

რეკვიზიტები:

პრეტენდენტის იურიდიული ფორმა და დასახელება:

საიდენტიფიკაციო კოდი:

ხელმძღვანელის სახელი და გვარი:

პრეტენდენტის იურიდიული მისამართი:

პრეტენდენტის ტელეფონის ნომერი:

პრეტენდენტის ელ. ფოსტა:

ბანკის დასახელება და კოდი:

ანგარიშსწორების ანგარიში:

ბ.ა.

ხელმოწერა

3. ხელშეკრულება №

სახელმწიფო შესყიდვების შესახებ

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

"----" ----- 2015 წელი

ერთის მხრივ სსიპ გრიგოლ წულუკიძის სამთო ინსტიტუტი (შემდგომში „შემსყიდველი“) წარმოდგენილი დირექტორის ნიკოლოზ ჩიხრაძის სახით და მეორეს მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ – კალენდარული დღე, კვირა, თვე.

1.4. „შემსყიდველი“ – ორგანიზაცია, რომელიც ახორციელებს შესყიდვას.

1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

2. ხელშეკრულების საგანი

2.1 ხელშეკრულების შესყიდვის ობიექტი განისაზღვრება სატენდერო დოკუმენტაციის, კერძოდ ტექნიკური დოკუმენტაციის 2.1.1 პუნქტში მოცემული ტექნიკური პირობების შესაბამისად, რომელიც თან ერთვის ხელშეკრულებას და წარმოადგენს მის განუყოფელ ნაწილს.

2.2 კლასიფიკატორის კოდი - **45233222**.

3. ხელშეკრულების ღირებულება

3.1. ხელშეკრულების ჯამური ღირებულება შეადგენს _____ ლარს.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის მოწოდებასთან დაკავშირებულ მიმწოდებლის ყველა ხარჯს, საქართველოს კანონმდებლობით გათვალისწინებულ გადასახადებს.

4. ხელშეკრულების შესრულების კონტროლი

4.1 ხელშეკრულების კონტროლს ახორციელებს სსიპ გრიგოლ წულუკიძის სამთო ინსტიტუტის დირექტორის მიერ გამოყოფილი პირი.

4.2 შემსყიდველი ორგანიზაცია უფლებამოსილია აწარმოოს შესასყიდი სამუშაოს ხარისხის ინსპექტირება ხელშეკრულების მოქმედების ნებისმიერ ეტაპზე, განახორციელოს კონტროლი რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან.

4.3 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით.

4.4 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის შეცვლა.

5. ანგარიშსწორების ფორმა, ვადები და პირობები

5.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

5.2 ანგარიშსწორების ადგილია ქ. თბილისი, ე. მინდელის ქ. #7.

5.3. ანგარიშსწორება მოხდება მიმწოდებელსა და შემსყიდველს შორის მიღება-ჩაბარების აქტის გაფორმებიდან 10 დღის ვადაში.

5.4. დაფინანსების წყარო - 2015 წლის საკუთარი შემოსავლები.

6. შესყიდვის ობიექტის მიწოდების ვადა, ადგილი და პირობები.

6.1 შესყიდვის ობიექტის მიწოდების ვადა განისაზღვრება ხელშეკრულებაზე ხელის მოწერის დღიდან არაუგვიანეს 20 კალენდარული დღისა.

6.2 მიმწოდებელი შესყიდვის ობიექტის მიწოდებას განახორციელებს მისამართზე: ქ. თბილისი, ე. მინდელის ქ. #7.

6.3. შესყიდვის ობიექტის მიღება ფორმდება მიღება-ჩაბარების აქტით, რომელიც დადასტურდება შემსყიდველისა და მიმწოდებელი მიერ საამისოდ უფლებამოსილი წარმომადგენლების ხელმოწერებით.

7. პირგასამტეხლო ხელშეკრულების პირობების შეუსრულებლობისათვის

7.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეებს დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

7.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

7.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

8. ხელშეკრულებაში ცვლილების შეტანა და ხელშეკრულების შეწყვეტა

8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

8.2. ხელშეკრულების პირობების, მათ შორის, ფასის შეცვლა დაუშვებელია.

8.3. ხელშეკრულების ერთ-ერთი მხარის მიერ პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

9. დაუძლეველი ძალა

9.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

9.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

9.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

11. ხელშეკრულების მოქმედების ვადა

ხელშეკრულება ძალაში შედის მხარეების მიერ ხელის მოწერის დღიდან და მოქმედებს _____
_____ ჩათვლით

შემსყიდველი

მიმწოდებელი

შენიშვნა: ხელშეკრულების დადებისას მოხდება პროექტში დაზუსტებების გაკეთება სატენდერო დოკუმენტაციის მოთხოვნათა და სატენდერო წინადადების პირობების გათალისწინებით.